







天官書 太史公

索隱曰星座有尊卑若人之官曹列位故吳官鍾惺曰曰句曰直曰絕曰抵曰攜曰般曰枕曰戴皆以字法為章法

中宮天極星其一明者太一常居也旁三星三公或曰子屬後句四星末大星正妃餘三星後宮之屬也環之匡衛十二星藩臣皆曰紫宮前列直斗口三星隨北端兌兌古銳字後倣此若見若不曰陰德或曰天一紫宮左三星曰天槍右五星曰天棓後六星絕漢抵營室曰閣道北斗七星所謂璇璣玉衡以齊七政杓攜龍角衡殷南斗魁枕參首用昏建者杓杓自華以西

余有丁曰
諸家圖經
悉以三台
係之太微
垣太史公
特以列於

南夜半建者衡。衡殷中州河濟之間。平旦建者魁。魁
海岱以東北也。斗為帝車。運於中央。臨制四鄉。分陰
陽。建四時。均五行。移節度。定諸紀。皆繫於斗。斗魁戴
匡六星。曰文昌宮。一曰上將。二曰次將。三曰貴相。四
曰司命。五曰司中。六曰司祿。在斗魁中。貴人之牢。魁
下六星。兩兩相比。者名曰三能。按能古台字三能色齊。君
臣和不齊。為乘戾。輔星明近。輔臣親彊。斥小疏弱。杓
端有兩星。一內為矛。招搖。一外為盾。天鋒有句。圜十

中宮北斗
文昌之次
以其為天
子三階不
可道之外
垣也

五星屬杓曰賤人之牢其牢中星實則因多虛則開
出天一槍檣矛盾動搖角大兵起

文耀鉤曰中宮大帝其精北極星含元出氣流精
生一也物理論云北極天之中陽氣之北極也極
南為太陽極北為太陰日月五星行太陰則無光
行太陽則能照故為昏明寒暑之限極○正義曰
太一天神之最尊貴者三公三星在北斗杓東又
三公三星在北斗魁西並為太尉司徒司空之象

○元命包云紫之爲言此也。宮之爲言中也。言天神運動陰陽開闔皆在此中。○索隱曰直當也。星經云陰德二星在紫薇宮內占以不明爲宜明新君踐極也。又云中宮女主之象星動搖釁起宮掖。○正義曰天一天帝之神主戰鬪知人吉凶明而有光則陰陽和萬物成人主吉不然反是。○索隱曰石氏星讚云天槍天棓八星備非常之變也。闔道北斗之輔營室七星天子之宮亦天子離宮別

館也。○索隱曰：春秋運斗極云：斗第一天樞，第二璇，第三璣，第四權，第五衡，第六開陽，第七搖光，第一至第四為魁，第五至第七為杓，合而為斗。文耀鉤云：玉衡屬杓，魁為璇璣，整長曆云：北斗七星，星間相去九千里，其一陰星不見者，相去八千里也。馬融曰：璿，美玉也，璣，渾天儀，可轉旋，故曰璇衡，其中橫筒，以璿為璣，以玉為衡，蓋貴天象也。又馬融尚書註云：七政者，北斗七星，各有所主，一主日，法

天二主月法地。三曰命火。謂熒惑也。四曰煞土。謂填星也。五曰伐水。謂辰星也。六曰危木。謂歲星也。七曰罰金。謂太白也。日月五星各異政。故名七政。○孟康曰。龍角。東方宿也。攜連也。正義曰。按角星爲天關。其間天門。其內天庭。黃道所經。七耀所行。左角爲理。主刑。其北爲太陽道。右角爲將。主兵。其北爲太陰道。○正義曰。杓斗第七星。言昏建用斗。杓指寅也。杓當華山西南之地。○正義曰。中州河

濟言斗衡正當黃河清水之間。旦建用斗魁指寅。
海岱齊地。言魁星主海岱之東北地也。○孟康曰。
天理四星在斗魁中。貴人牢名曰天理。三能泰階。
三台也。黃帝六符經曰泰階者上階。上星為男主。
下星為女主。中階上星為諸侯三公。下星為卿大
夫。下階上星為士。下星為庶人。三階平則陰陽和。
風雨時。不平則稼穡不成。冬雷夏霜。天行暴令。好
興甲兵。修宮榭。廣苑囿。則上階為之圻也。○孟康

曰輔星在北斗第六星旁。○索隱曰：勺，圓形如連環，即貫索星也。

索隱曰：東宮蒼龍，其精為龍。

索隱曰：李即理，法官也。

東宮蒼龍房心，心為明堂，大星天王，前後星子屬不欲直。直則天王失計。房為府，曰天驕，其陰右驂，旁有兩星曰衿，北一星曰牽，東北曲十二星曰旗，中四星曰天市，中六星曰市樓，市中星眾者實，其虛則耗。房南眾星曰騎官，左角李，右角將，大角者天王帝廷，其兩旁各有三星，鼎足句之，曰攝提，攝提者直斗杓。

所指以建時節。故曰攝提格亢爲䟽廟主疾。其南北
兩大星曰南門。氐爲天根。主疫。尾爲九子。曰君臣斥
絕不和。箕爲教客。曰口舌。火犯守角。則有戰。房心王
者惡之也。

李巡曰。大辰蒼龍宿體最明。春秋說題辭云。心爲
明堂。天王布政之宮。○洪範五行傳曰。心之大星。
天王也。前星太子。後星庶子。○詩紀歷樞云。房爲
天馬。主車駕。王者恒祠之。是馬祖也。○說文云。牽。

車軸當鍵兩相穿背也。星經云鍵開一星在房東
北掌管籥也。○正義曰旗者左旗九星在河鼓左
右旗九星在河鼓右皆天之鼓旗所以爲旌表天
市二十三星房心東北主國市聚交易之所一曰
天旗大角一星在兩攝提間人君之象亢四星爲
廟廷聽政之所南門二星在庫樓南天之外門。○
星經云氐四星爲露寢聽朝所居。孫炎云角亢下
繫於氐若木之有根。宋均云三月榆莢落故主疾

疫也。然此時物雖生而日宿在奎行毒氣故有疫疾。○正義曰尾為折木之津於辰在寅燕之分野尾九星為後宮亦為九子星近心第一星為后妃次三星並為次三嬪末二星為妾。○宋均云教調弄也箕以簸揚調弄為象箕又受物有去有來。○客之象也。詩云維南有箕載翕其舌。正義曰箕主八風月宿其野為風起。○常昭曰火熒惑正義曰熒惑犯守箕尾氐星自生芒角則有戰陣之事若

熒惑守房心及房心自生芒角則王者惡之也

索隱曰南宮赤帝其

南宮朱鳥權衡太微三光之廷臣衛十二星藩臣

精為朱鳥正義云柳

西將東相南四星執法中端門門左右掖門門內六

八星為朱鳥味天

星諸侯其內五星五帝坐後聚一十五星蔚然曰郎

尉宰主味

位傍一大星將位也月五星順入軌道司其出所守

天子所誅也其逆入若不軌道以所犯命之中坐成

形皆岸下從謀也金火尤甚廷藩西有隋星五曰少

微士大夫權軒轅軒轅黃龍體前大星女主象旁小

鄧以讚曰。列鳥形果。然燦乎天。之文也。參。為白虎。虛。危如龜。角。尾象龍。有。意乎無意。乎。

星。御者後宮屬。月五星守祀者。如衡占。東井為水事。其西曲星曰鉞。北北河。南南河。兩河天闕間為關。梁輿鬼。鬼祠事中白者為質。火守南北河。兵起。穀不登。故德成。衡觀成。潢傷成。鉞禍成。井誅成。質柳為鳥。注主。木草。七星頸為貧官。主急事。張素為厨主。觜客。翼為羽。翻主遠客。軫為車主。風其苟有一小星曰長沙星。不欲明。明與四星等。若五星入軫星中。兵大起。軫南眾星曰天庫樓。庫有五車。星角若益眾。及

不具無處車馬

孟康曰、軒轅爲權、太微爲衡、權四星在軒轅尾西、主烽火、警急。○宋均曰、太微、天帝南宮、三光、日月星也。○正義曰、太微宮垣十星、在翼軫地、天子之宮庭、五帝之坐、十二諸侯之府也、其外藩、九卿也、南藩中二星間爲端門、次東第一星爲左執法、廷尉之象、第二星爲上相、第三星爲次相、第四星爲次將、第五星爲上將、端門第一爲右執法、御史

大夫之象。第二星爲上將。第三星爲次將。第四星爲次相。第五星爲上相。其東垣北左執法上相。兩星間名曰左掖門。上將兩星間名曰東華門。上相次相上將次將間名曰太陽門。其西垣右執法上相間名曰右掖門。上將間名曰西華門。次將次相間名曰中華門。次相兩星間名曰太陰門。各依其名。是其職也。五帝坐者。黃帝坐一星。在太微宮中。含樞紐之神。四星夾黃帝坐。蒼帝東方。靈威仰之

神、赤帝南方、赤熒怒之神、白帝西方、白昭矩之神、
黑帝北方、叶光紀之神、五帝並設神靈集謀者也。
卽位五星、在太微中、帝坐東北、周之元士、漢之光
祿、中散諫議、此三署卽中、是今之尚書郎、將一
星、在卽位東北、今之左右中卽將。○索隱曰、順入、
從西入也、逆入、從東入、不軌道、不繇康衢而入也。
以所犯命者、隨所犯之位、天子必命誅討其人、晉
灼曰、中坐犯帝坐、成形禍福之形見也。○正義曰、

廷太微廷藩衛也。隋謂垂下也。少微四星在太微
南北列第一星處士也。第二星議士也。第三星博
士也。第四星大夫也。軒轅十七星在七星北黃龍
之體主雷雨之神。後宮之象也。陰陽交感雷激為
電。和為雨。怒為風。亂為霧。凝為霜。散為露。聚為雲。
氣立為虹。霓離為日。孺分為抱珥。二十四變皆軒
轅主之。其大星女主也。次北星夫人也。次北一星
妃也。其次諸星皆次妃之屬。女主南一星女御也。

左一星、少民后宗也。東井八星、鉞一星、與鬼四星、
為質、一星、為鶉首、於辰在末、皆秦之分野。一大星、
黃道所經、為天之亭候。主水衡事、法令所取平也。
王者用法平、則井星明而端列。鉞一星、附井之前、
主伺奢淫而斬之。南河三星、北河三星、分夾東井、
南北。○索隱曰、宋均云、兩河六星、知逆邪、言關梁
之限、知邪偽也。正義曰、關丘二星、在河南、天子之
雙闕。諸侯之兩觀、亦象魏縣書之府。與四星主祠。

事天。田也。主視明察姦謀。東北星主積馬。東南星主積兵。西南星主積布帛。西北星主積金玉。中一星爲積屍。一名質。主喪死祠祀。德成衡。則能平物。故有德公平者。先成形於衡。觀成潢。爲帝車舍。言王者遊觀。亦先成形於潢也。傷成鉞者。傷敗也。言王者敗德。亦先成形於鉞。以言有敗亂。則有鉞誅之形。晉灼曰。東井主水事。火入一星居其旁。天子且以火敗。故曰禍也。熒惑入與鬼。天質占曰大。

臣有誅。○漢書天文志注作喙。爾雅云鳥喙謂之柳。孫炎云喙朱鳥之口。柳其星聚也。以注爲柳星。故主草木也。正義曰柳八星。星一星。張六星。爲鶉火。於辰在午。皆周之分野。○索隱曰宋均云頸朱鳥頸也。負官。龍喉也。物在龍喉終不久留。故主急事也。素。素也。爾雅云鳥張素。郭璞云鳥受食之處也。正義曰張主天廚飲食。賞賚觴客。翼二十二星。軫四星。長沙一星。轸二星。合軫七星。皆爲鶉尾。於

辰在巳。楚之分野。翼為天樂府。又主夷狄。亦主遠
容軫四星居中。又有二星為左右。輶車之象。軫與
翼同位。為風車。動行疾。似之也。○正義曰。長沙一
星在軫中。主壽命。天庫一星主太白。秦也。在五車
中。

索隱曰。西
宮白帝。其
精白虎。咸
池三星在
五車中。天
潢南魚鳥

西宮咸池曰天五潢。五潢五帝車舍。火入旱。金兵水
水中有三柱。不具兵起。奎曰封豕。為溝瀆。婁為聚
衆。胃為天倉。其南衆星曰詹積。昂曰髦頭。胡星也。為

之所托也
音貴

音子斯反
觜胡規反

漢書羅下
有列字

白衣會畢曰罕車為邊兵主弋獵其大星旁小星為
附耳附耳搖動有讒亂臣在側昂畢間為天街其陰
陰國陽陽國參為白虎三星直者是為衡石下有三
星兌曰罰為斬艾事其外四星左右肩膀也小三星
臨置曰觜觜為虎首主葆旅事其南有四星曰天厠
厠下一星曰天矢矢黃則吉青白黑凶其西有勾曲
九星三處羅一曰天旗二曰天苑三曰九游其東有
大星曰狼角變色多盜賊下有四星曰弧直狼

北地有大星曰南極老人。老人見治安，不見兵起。常以秋分時候之於南郊，附耳入畢中，兵起。

索隱曰：元命包云：咸池主五穀，言穀生於水。含秀含寔，主秋垂。故一名五帝車舍。言以車載穀而販也。火旱金兵水水，不言木土者，木土德星於此，不為害也。○正義曰：奎十六星，婁三星，為降婁於辰在戌，魯之分野。奎天之府庫，一曰天豕，亦曰封豕。主溝瀆。西南大星，所謂天豕。王者宗祀不潔，則奎

動搖若燄。有光則近臣謀上之應。亦庶人饑饉之厄。太白守奎。胡貉之憂。可以伐之。熒惑星主之。則有水之憂。連以三年。填星歲星守之。中國之利。外國不利。可興師動衆。斬斷無道。婁三星為死。牧養犧牲以共祭祀。胃三星。昂七星。為大梁。於辰在酉。趙之分野。胃主倉廩五穀之府。○如淳曰。膚積芻藁積為膚也。芻藁六星在苑西。主積藁草。昂七星為髦頭胡星。亦為獄事。畢八星曰罕車。

為邊兵主。弋獵其大星曰天高，一曰邊將，四夷之尉也。月宿則多雨，附耳一星，屬畢大星之下，次天高東南隅，主為人主聽得失，伺憊過。○索隱曰：元命包云：畢為天階。孫炎云：畢昴之間，日月五星出入要道，若津梁。正義曰：天街三星在畢昴間，主國界也。街南為華夏之國，街北為夷狄之國，皆三星，參三星外四星，為寔沈於辰在申，魏之分野，為白虎形也。○孟康曰：參三星者，白虎宿中，西直似稱。

衡故曰衡石三星少斜在參間上小下大故曰銳
罰亦作伐參伐事主斬艾○晉志曰東北曰左肩
主左將西北曰右肩主右將東南曰左足主後將
軍西南曰右足主偏將軍故黃帝占參應七將中
央三小星曰伐天之都尉也主胡鮮卑戎狄之國
故不欲明七將皆明天下兵精也○正義曰天厠
四星在屏主涸天矢一星在厠南參旗九星在參
西天旗也指麾遠近以從命者王者斬伐當理則

天旗曲直順理、不然、則兵動於外、天苑十六星、如環狀、在畢南、天子養禽獸之所、九游九星、在玉井西南、天子之兵旗、所以導軍進退、亦領州列邦搖動、則九州分散、人民失業、狼一星、參東南、狼為野將、主侵掠、弧九星、在狼東南、天之弓也、以伐叛懷遠。○晉灼曰、比地、近地也、正義云、老人一星、在弧南、一曰南極、為人主占壽命延長之應、常以秋分之曙見於景、春分之夕見於丁、見於國長命、天下

安寧

索隱曰北
宮黑帝其
精玄武爾
雅云玄枵
虛也又云
北陸虛也
解者以陸
為道孫炎
曰陸中也
北方之宿
中也南斗
六星亭牛
六星並北
宮玄武之

北宮玄武虛危二為蓋屋虛為哭泣之事其南有衆
星曰羽林天軍軍西為壘或曰鉞苟有一大星為北
落北落若微亡軍星動角益希及五星犯北落入軍
軍起火金水尤甚火軍憂水患木土軍吉危東六星
兩兩相比曰司空營室為清廟曰離宮閭道漢中四
星曰天駟旁一星曰王良王良策馬車騎滿野旁有
八星絕漢曰天潢天潢旁江星江星動人涉水杵臼

四星在危南。匏瓜有青黑星守之。魚鹽貴。南斗為廟。其北建星。建星者旗也。牽牛為犧牲。其北河鼓。河鼓大星上將。左右將。婺女。其北織女。織女。天女。孫也。

正義曰。虛二星。危三星。為玄枵於辰在子。齊之分野。虛主死喪哭泣事。又為邑居廟堂祭祀禱祝之事。亦天之冢宰。主平理天下。覆藏萬物。危為宗廟祀事主。天市架屋。○索隱曰。宋均云。危上一星。高

旁兩星。隋下似乎蓋屋也。正義云。蓋屋二星。在危南。主天子所居宮室之官。羽林三十五星。三三而聚。散在壘辟。南天軍也。亦天宿衛之兵革。壘辟陳十二星。橫列在營室南。天軍之營壘。北落師門一星。在羽林西南。天軍之門也。長安城北落門。以象此。危東西。相比者是司命等星也。司空唯一星耳。又不在危東。恐命字誤爲空也。司命二星。在虛北。主喪送。司祿二星。在司命北。主官司。危二星。在

司祿北主危亡。司祿二星在危北主僇過。皆冥司
之職。○元命包云營室十星。埏陶精類始立紀綱。
包物爲室。天下作宮室皆以營室中爲正也。荊州
占云閣道王良旗也。有六星。漢中四星曰騎。一曰
天駟。○正義曰王良五星在奎北河中。天子奉御
官也。策一星在王良前主天子僕。或居馬後則爲
策馬。○索隱曰宋均云天潢天津也。正義曰天江
四星在尾北主太陰杵曰三星在夫人旁主軍糧。

匏瓜五星、在離珠北、天子果園、建六星、在斗北、臨黃道、天之都闕也、斗建之間、七耀之道、亦主旗輅、牽牛為犧牲、亦為闕梁、其北二星、一曰即路、一曰聚火、又上一星、主道路、次二星、主闕梁、○孫炎云、河鼓之旗、十二星、正義云、河鼓三星、在牽牛北、主軍鼓、所以備闕梁而拒難也、自昔傳牽牛織女、七月七日相見、此星也、須女四星、亦婺女、天少府也、南斗牽牛、須女皆為星紀、於辰在丑、越之分野、而

斗牛、吳之分野也。須女、賤妾之稱。婦職之卑者。主布帛、裁製嫁娶。織女三星在河北。天紀東。天女也。主束苧絲帛珍寶。

察日月之行。以揆歲星順逆。曰東方木主春。日甲乙義失者。罰出歲星。歲星羸縮。以其舍命國所在。國不可伐。可以罰人。其趨舍而前曰羸。退舍曰縮。羸其國有兵。不復縮。其國有憂。將亡。國傾敗。其所在五星皆從而聚於一舍。其下之國可以義致。天下以攝提格

趨音聚謂
促也
吳郭基曰
漢高帝元
年五星皆
聚東井天

文志云其
年歲星在
東井四星
從而聚也

歲：陰左行在寅歲星右轉居丑正月與斗牽牛晨
出東方名曰監德色蒼：有光其失次有應見柳歲
旱水晚旱歲星出東行十二度百日而止反逆行逆
行八度百日復東行歲行三十度十六分度之七率
日行十二分度之一十二歲而周天出常東方以晨
入於西方用昏單閼歲：陰在卯星居子以二月與
婺女虛危晨出曰降入大有光其失次有應見張名
曰降入其歲大水執徐歲：陰在辰星居亥以三月

辟白邊反

天文志開
明作啟明

居他昆反

居與營室東壁晨出曰青章青青甚章其失次有應
見軫曰青章歲早早晚水大荒駱歲歲陰在巳星居
戌以四月與奎婁胃昂晨出曰辟踵熊熊赤色有光
其失次有應見亢敦牂歲歲陰在午星居酉以五月
與胃昂畢晨出曰開明炎有光偃兵唯利公王不
利治兵其失次有應見房歲早早晚水叶洽歲陰
在未星居中以六月與觜參晨出曰長列昭有
光利行兵其失次有應見箕泥灘歲陰在中星居

睢吁唯反

鍾惺曰奇

未以七月與東井輿鬼晨出曰大音昭昭白其失次有應見牽牛作鄂歲歲陰在酉星居午以八月與柳七星張晨出曰爲長王作作有芒國其昌熟穀其失次有應見危曰大章有旱而昌有女喪民疾閹茂歲歲陰在戌星居巳以九月與翼軫晨出曰天睢白色大明其失次有應見東壁歲水女喪大淵獻歲歲陰在亥星居辰以十月與角亢晨出曰大章蒼然星若躍而陰出曰是謂正平起師旅其率必武其國有

楊慎曰。點
即左傳左
輪朱殷之
殷。
鍾惺曰。文
法奇變。

德將有四海。其失次有應見。要。因敦歲。陰在子星
居卯。以十一月與氐房心晨出。曰天泉。玄色甚明。江
池。其昌。不利起兵。其失次有應在昴。赤奮若歲。陰
在丑。星居寅。以十二月與尾箕晨出。曰天皓。黥然黑
色甚明。其失次有應見參。當居不居。之。又左右搖。
未。當去。去之。與他星會其國。凶。所居久。國有德厚。其
角動。乍小。乍大。若色數變。人主有憂。其失次合以下
進。而東北。三月。生天棓。長四尺。未竟。進而東南。三月。

鍾惺曰。收
有力。
迎一作御

生彗星長二丈。類彗星。退而西北。二月生天棓。長四
丈。未究。退而西南。三月生天槍。長數丈。兩頭兌。謹視
其所見之國。不可舉事。用兵其出如浮。如沈。其國有
土功。如沈。如浮。其野亡。色赤而有角。其所居國昌。迎
角而戰者不勝。星色赤黃而沈。所居野大穰。色青白
而赤灰。所居野有憂。歲星入月。其野有逐相。與太白
聞。其野有破軍。歲星一曰攝提。曰重華。曰應星。曰紀
星。營室為清廟。歲星廟也。

物理論云歲行一次謂之歲星晉灼曰太歲在四
仲則歲行三宿太歲在四孟四季則歲行二宿二
八十六三四十二而行二十八宿十二歲而周天
○正義曰歲星者東方木之精蒼帝之象主五穀
天文志云春日甲乙四時春也五常仁五事貌也
人主仁虧貌失逆時令傷木氣則罰見歲星○索
隱曰降入即歲星正月晨見東方之名其餘唯此
○正義曰歲星之精散而為天槍天棓天衝天猾

國皇天攬及登天荆真若天猿天垣蒼筤皆以應
凶災也

剛一作罰

察剛氣以處熒惑曰南方火主夏日丙丁禮失罰出
熒惑熒惑失行是也出則有兵入則兵散以其舍命
國熒惑熒惑為勅亂殘賊疾喪饑兵反道二舍以上
居之三月有殃五月受兵七月半亡地九月大半亡
地因與俱出入國絕祀居之殃還至雖大當小久而
至當小反大其南為丈夫北為女子喪若角動繞環

之及乍前乍後左右殃益大與他星鬪光相逮爲害不相逮不害五星皆從而聚於一舍其下國可以禮致天下法出東行十六舍而止逆行二舍六旬復東行自所止數十舍十月而入西方伏行五月出東方其出西方曰反明主命者惡之東行急一日行一度半其行東西南北疾也兵各聚其下用戰順之勝逆之敗焚惑從太白軍憂離之軍却出太白陰有分軍行其陽有偏將戰當其行太白逮之破軍殺將其入

鍾惺曰更
緊嚴

守犯太微軒轅營室主命惡之心為明堂熒惑廟也
謹候此

天官占云熒惑方伯象司察妖孽文耀鉤云赤帝
熒惑之神為熒惑。徐廣曰熒惑為理外則理兵
內則理政天官志云熒惑為執法之星其行無常
以其舍命國為殘賊為疾為喪為饑為兵環統勾
曲芒角動搖乍前乍後其殃逾甚熒惑主死喪大
鴻臚之象主甲兵大司馬之象伺驕奢亂學執法

官也。其精為風伯、雨師、童兒、歌謠、嬉戲也。

曆斗之會以定填星之位。曰中央土主。季夏、日戌、己。

鍾惺曰：文法搖擺錯綜。

絲。

徐廣曰：易猶輕速也。

黃帝主德，女主象也。歲填一宿，其所居國吉，未當居而居，若已去而復還，還居之，其國得土，不乃得如若當居而不居，既已居之，又西東去，其國失土，不乃失女，不可舉事用兵，其居久，其國福厚，易福薄，其一名曰地侯，主歲，歲行十二度，百十二分度之五，日行二十八分度之一，二十八歲周天，其所居五星皆從而

聚於一舍其下之國可重致天下禮德義殺刑盡失
而填星乃爲之動搖羸爲王不寧其縮有軍不復填
星其色黃九芒音曰黃鐘宮其失次上二三宿曰羸
有主命不成不乃大水失次下二三宿曰縮有后戚
其歲不復不乃天裂若地動斗爲文太室填星廟天
子之星也木星與土合爲內亂饑主勿用戰取水則
變謀而更事火爲旱金爲白衣會若水金在南曰北
壯年穀熟金在北歲偏無火與水合爲穽與金合爲

鍾惺曰。韻
語。又曰。以
下八句。皆
用韻。如今
星卜家歌
訣也。

鑠為喪。皆不可舉事。用兵大敗。土為憂。王孽卿大饒。
戰敗為北軍。困舉事大敗。土與水合。穰為擁。閉有
覆軍。其國不可舉事。出亡地。入得地。金為疾。為內兵。
亡地。三星若合。其宿地。國外內有兵與喪。改立公王。
四星合。兵喪並起。君子憂。小人流。五星合。是謂易行。
有德受慶。改立大人。奄有四方。子孫蕃昌。無德受殃。
若亡。五星皆大。其事亦大。皆小事。亦小。蚤出者為羸。
羸者為客。晚出者為縮。者為主。人必有天應。見於

意一作志

杓星同舍爲合。相凌爲鬪。七寸以內必之矣。五星色白圜爲喪。旱。赤圜則中不平。爲兵。青圜爲憂。水。黑圜爲疾。多厄。黃圜則吉。赤角犯我城。黃角地之爭。白角哭泣之聲。青角有兵憂。黑角則水意。行窮兵之所終。五星同色。天下偃兵。百姓寧昌。春風秋雨。冬寒夏暑。動搖常以此。填星出百二十日而逆。西行。西行百二十日。反東行。見三百三十日而入。入三十日。復出東方。太歲在甲寅。鎮星在東。辟故在營室。

索隱曰。晉灼云。常以甲辰之元。始建斗歲鎮一宿。二十八歲而周天。文耀鉤云。鎮黃帝合樞紐之精。其體旋璣。中宿之分也。○楊慎曰。白衣會。若國哀大臨之事。○索隱曰。晉灼云。歲陽也。太白陰也。故曰牝牡。正義曰。星經云。金在南。木在北。名曰牝牡。年穀大熟。金在北。木在南。其年或有或無。察日行以處位。太白曰西方秋。司兵。月行及天矢。日庚辛。主殺。失者。罰出太白。太白失行。以其舍命國。

其出行十八舍、二百四十日而入、入東方、伏行十一
舍、百三十日、其入西方、伏行三舍、十六日而出、當出
不出、當入不入、是謂失舍、不有破軍、必有國君之篡。
其紀上元、以攝提格之歲、與營室晨出東方、至角而
入、與營室夕出西方、至角而入、與角晨出、入畢、與角
夕出、入畢、與畢晨出、入箕、與畢夕出、入箕、與箕晨出、
入柳、與箕夕出、入柳、與柳晨出、入營室、與柳夕出、入
營室、凡出入東西各五、為百歲、二百二十日、復與營

鍾惺曰文
整而錯

其一作變

室晨出東方其大率歲一周天其始出東方行遲率
日半度一百二十日必逆行一二舍上極而反東行
行日一度半一百二十日入其庫近日曰明星柔高
遠日曰大囂剛其始出西行疾率日一度半百二十
日上極而行遲日半度百二十日旦入必逆行一二
舍而入其庫近日曰太白柔高遠日曰大相剛出以
辰戌入以丑未當出不出未當入而入天下偃兵兵
在外入未當出而出當入而不入下起兵有破國其

當期出也。其國昌。其出東爲東。入東爲北方。出西爲
西。入西爲南方。所居久。其鄉利。疾。其鄉凶。出西逆行
至東。正西國吉。出東至西。正東國吉。其出不經天。經
天。天下革政。小以角動。兵起。始出大。後小。兵弱。出小
後大。兵強。出高。用兵深吉。淺凶。庫。淺吉。深凶。日方南。
金居其南。日方北。金居其北。曰贏。侯王不寧。用兵進
吉。退凶。日方南。金居其北。日方北。金居其南。曰縮。侯
王有憂。用兵退吉。進凶。用兵象太白。太白行疾。三行。

鄧以讚曰
漢書作圖
以靜似此
國字誤

更奴亂反

漳音澤

遲。行角敢戰動搖躁。國以靜。順角所指吉反
之皆凶。出則出兵。入則入兵。赤角有戰。白角有喪。黑
圈角。憂有水事。青圈小角。憂有木事。黃圈和角。有土
事。有年其已出三日。而復有微入。入三日。乃復盛出。
是謂更。其下國有軍敗將北。其已入三日。又復微出。
出三日。而復盛入。其下國有憂。師有糧食兵革遺人
用之。卒雖衆。將為人虜。其出西失行。外國敗。其出東
失行。中國敗。其色大圈黃澤。可為好事。其圈大赤兵

真如基曰
按桑榆間
行遜而下
也形容得
出

盛不戰。太白比狼。赤比心。黃比參。左肩蒼比參。右
肩黑比奎。大星五星皆從太白而聚乎一舍其下之
國。可以兵從天下。居實有得也。居虛無得也。行勝色
色勝位。有位勝無位。有色勝無色。行得盡勝之。出而
留。桑榆間疾其下。國上而疾。未盡其日。過參天。疾其
對國。上復下。下復上。有反將其入。月將侵。金木星合
光。其下戰不合。兵雖起而不鬪。合相毀。野有破軍。出
西方昏而出陰。兵彊。暮食出小弱。夜半出中弱。鷄

鳴出大弱是謂陰陷於陽其在東方乘明而出陽
兵之彊雞鳴出小弱夜半出中弱昏出大弱是謂陽
陷於陰太白伏也以出兵兵有殃其出卯南之勝北
方出卯北北勝南方正在卯東國利出酉北北勝南
方出酉南之勝北方正在酉西國勝其與列星相犯
小戰五星大戰其相犯太白出其南之國敗出其北
北國敗行疾武不行文色白五芒出蚤為月蝕晚為
天矢及彗星將發其國出東為德舉事左之迎之吉

出西為刑舉事右之背之吉反之皆凶大白光見景
戰勝晝見而經天是謂爭明疆國弱小國彊女主昌
亢為疏廟太白廟也太白大臣也其號上公其他名
殷星大正營星觀星宮星明星大哀大澤終星大相
天浩序星月緯大司馬位謹候此

索隱曰韓詩云太白晨出東方為啟明昏見西方
為長庚天官占云太白者西方金之精白帝之子
上公大將軍之象天文志云其日庚辛四時秋也

五常義也。五事言也。人主義虧言失、逆時令、傷金
氣、罰見太白、春見東方以晨、秋見西方以夕也。○
正義曰、太白五芒、出早為月蝕、晚為天矢、及彗。○
索隱曰、按上元是古曆之名、言用上元紀曆法。○
孟康云、經天、謂出東入西、出西入東也。太白陰星、
出東當伏東、出西當伏西、過午為經天。又晉灼曰、
日陽也、日出則星沒、太白晝見、午上為經天也。○
索隱曰、寔謂星所合居之宿、虛謂羸縮。○晉灼曰、

太白行得度者勝色也。過參天者三分天過其一。此在戌酉之間。孟康曰對國謂出東入西出西入東也。

察日辰之會。以治辰星之位。曰北方水太陰之精。主冬。日壬癸。刑失者罰。出辰星以其宿命國。是正四時。仲春。二分。夕出郊奎婁胃東五舍。為齊。仲夏夏至。夕出郊東井與鬼柳東七舍。為楚。仲秋。二分。夕出郊角亢氐房東四舍。為漢。仲冬冬至。晨出郊東方與尾箕

斗牽牛俱西爲中國其出入常以辰戌丑未其蚤爲
月蝕晚爲彗星及天矢其時宜效不效爲失追兵在
外不戰一時不出其時不和四時不出天下大饑其
當效而出也色白爲旱黃爲五穀熟赤爲兵黑爲水
出東方大而白有兵於外解常在東方其赤中國勝
其西而赤外國利無兵於外而赤兵起其與太白俱
出東方皆赤而角外國大敗中國勝其與太白俱出
西方皆赤而角外國利五星分天之中積於東方中

國利積於西方外國用者利五星皆從辰星而聚於
一舍其所舍之國可以法致天下辰星不出太白爲
客其出太白爲主出而與太白不相從野雖有軍不
戰出東方太白出西方若出西方太白出東方爲格
野雖有兵不戰失其時而出爲當寒反溫當溫反寒
當出不出是謂擊卒兵大起其入太白中而上出破
軍殺將客軍勝下出客亡地辰星來抵太白太白不
去將死正旗上出破軍殺將客勝下出客亡地視旗

所指以命破軍其繞環太白若與聞大戰客勝免過
太白間可撼劍小戰客勝免居太白前軍罷出太白
左小戰摩太白有數萬人戰主人吏死出太白右去
三尺軍急約戰青角兵憂黑角水赤行窮兵之所終
免七命曰小正辰星天棧安周星細爽能星鈎星其
色黃而小出而易虞天下之文變而不善矣免五色
青圓憂白圓喪赤圓中不平黑圓吉赤角犯我城黃
角地之爭白角號泣之聲其出東方行四舍四十八

日其數二十日而反入於東方其出西方行四舍四
十八日其數二十日而反入於西方其一候之營室
角畢箕柳出房心間地動辰星之色春青黃夏赤白
秋青白而歲熟冬黃而不明即變其色其時不昌春
不見大風秋則不實夏不見有六十日之旱月蝕秋
不見有兵春則不生冬不見陰雨六十日有流邑夏
則不長

正義曰天官占云辰星北水之精黑帝之子宰相

之祥也。亦偏將廷尉象也。天文志云：其日壬癸四時冬也。人主虧智失聰，逆時令，傷水氣，則罰見辰星。○索隱曰：宋均云：辰星與月同精，月為大臣，先期而出，是躁也；失則當誅，故月蝕者所以為災祥也。辰星陰也，彗亦陰，謀未成，故晚出也。張晏曰：彗所以除舊布新。按旗蓋太白芒角似旌旗，正義曰：旗星名有九星。○按廣雅云：辰星謂兔星，則辰星之別名兔，或作兔也。○蘇林曰：械，容也。械劍謂

其間可容一劍。○索隱曰：免七命，謂免星凡有七命者名也。

列宿分野

星經云：益州、魏地畢、觜參之分。

角亢氐亢州、房心豫州、尾箕幽州、斗江湖、牽牛婺女、楊州、虛危青州、營室至東壁并州、奎婁胃徐州、昂畢冀州、觜參益州、東井輿鬼雍州、柳七星張三河、翼軫荊州、七星為員官、辰星廟、蠻夷星也。兩軍相當，日暈、彗、等力鉤，厚長大，有勝；薄短小，無勝；重抱，大破；無抱，為和；背不和，為分離相去；直為自立，立俟王，指暈。

李奇曰白
紅屈短屈
或作尾常
昭曰短而
豆

若曰殺將負且戴有喜。圜在中。中勝在外。勝青外。
赤中。以和相去。赤外青中。以惡相去。氣暈先至而後
去。居軍勝。先至先去。前利後病。後至後去。前病後利。
後至先去。前後皆病。居軍不勝。見而去。其發疾雖勝。
無功。見半日以上。功大。白虹屈短。上下兌。有者下大
流血。日暈制勝。近期三十日。遠期六十日。其食。所
不利。復生。所利。而食益盡。為主位。以其直。及日所
宿。加以日時。用命其國也。

月行中道安寧和平陰間多水陰事外北三尺陰星
北三尺太陰大水兵陽間驕恣陽星多暴獄太陽大
旱喪也角天門十月爲四月十一月爲五月十二月
爲六月水發近三尺遠五尺犯四輔臣誅行南北
河以陰陽言旱水兵喪月蝕歲星其宿地饑若亡熒
惑也亂填星也下犯上太白也彊國以戰敗辰星也
女亂食大角主命者惡之心則爲內賊亂也列星其
宿地憂月食始日五月者六三月者五五月復六

陳仁錫曰
星分野月
亦分野也
陰屬地亦
陰也

月者一而五月者凡五百一十三月而復始故月蝕
常也日蝕為不減也甲乙四海之外日月不占丙丁
江淮海岱也戊巳中州河濟也庚辛華山以西壬癸
恒山以北日蝕國君月蝕將相當之

索隱曰按中道房室星之中間也房有四星若人
之房三間有四表然故曰房南為陽間北為陰間
則中道房星之中間也角天門謂月行入角與天
門若十月犯之當為來年四月成災十一月則主

五月也。四輔房四星也。房以輔心，故曰四輔。○正義曰：南河三星，北河三星，若月行北河以陰，南河以陽，則水旱兵喪也。○孟康云：凡星入月，見月中，爲星蝕月，月掩星星，滅爲月蝕星。○徐廣曰：食大角，一云食於大角。正義曰：大角一星，在兩攝提間，人君之象。○索隱曰：列星謂月蝕列星，二十八宿當其分地有憂也。始日謂蒼始起之日。國皇星大而赤，狀類南極，所出其下起兵，兵彊其衝。

不利

正義曰、皇星者、去地三丈、如炬火。孟康曰、歲星之

精散所為也。五星之精、散為六十四變、記不盡。

昭明星大而白、無角、乍上乍下、所出國起兵多變。

索隱曰、昭明星、赤帝之精、象如太白。七芒、釋名為

筆。星氣有一枝、末銳似筆。亦曰日華星。

五殘星出正東、東方之野、其星狀類辰星、去地可六

丈大

鍾惺曰、叙
列星、隻言
片語、極小
文之妙。

大一作六

孟康云、五殘星、星表有青氣暈、有毛、填星之精也、
正義曰、一名五鋒、毀敗之徵、大臣誅亡之象、

賊星出正南、方之野、星去地可六丈、大而赤、數動、
有光、

孟康曰、賊星形如彗、九尺、太白之精、正義曰、大賊
星者一名六賊、出則福合天下、

司危星出正西、西方之野、星去地可六丈、大而白、類
太白、

孟康曰星大而冇尾兩角熒惑之精也正義曰見則以天子不義失國而豪傑起

獄漢星出正北北方之野星去地可六丈大而赤數動察之中青此四野星所出出非其方其下有兵衝不利

孟康曰獄漢星一名咸漢青中赤表下有二彗縱橫亦填星之精也

四填星所出四隅去地可四丈

鍾惺曰音
語邪音蛇

地維成光亦出四隅去地可三丈若月始出所見下有亂者亡有德者昌

燭星狀如太白其出也不行見則滅所燭者城邑亂如星非星如雲非雲命曰歸邪歸邪出必有歸國者

孟康曰燭星上有三彗上出亦填星之精○歸邪

星有兩赤彗上向下有蓋狀如氣下連星

星者金之散氣本曰火星衆國吉少則凶

孟康曰火亦星名

漢者亦金之散氣其本曰水漢星多多水少則旱其
大經也

索隱曰按水生金散氣即水氣孟康曰漢河漢也
多少謂漢中星

天鼓有音如雷非雷音在地而下及地其所往者兵
發其下

天狗狀如大奔星有聲其下止地類狗所隨及炎火
望之如火光炎之衝天其下圜如數頃田處上亢者

災音艷

則有黃色。千里破軍殺將。

孟康曰：天狗星有尾，旁有短彗，下有如狗形者，亦

太白之精。

格澤一音
鶴鐸

格澤星者如炎火之狀，黃白起地而上下大，上兌其
見也，不種而穫，不有土功，必有大害。

蚩尤之旗，類彗而後曲，象旗見則王者征伐四方。

孟康曰：蚩尤之旗，熒惑之精也。呂氏春秋曰：其色

黃，上下白。

句一作營
鍾惺曰怒
字說星奇
之曰愈碎
愈趣

句始出於北斗旁狀如雄鷄其怒青黑象伏鼈

徐廣曰句始蚩尤也

枉矢類大流星蛇行而倉黑望之如有毛羽然

長庚如一匹布著天此星見兵起

星墜至地則石也河濟之間時有墜星

天精而見景星景星者德星也其狀無常常出於有

道之國

孟康曰天精者明也有赤方氣與青方氣相連赤

方中有兩黃星、青方中一黃星、凡三星、合為景星、正義曰、景星狀如半月、生於晦朔、助月為明、則明聖之慶也。

鍾惺曰、以下二段尤奇變、小文小賦妙境

凡望雲氣、仰而望之、三四百里、平望在桑榆上、餘二千里、登高而望之、下屬地者三千里、雲氣有獸居上者、勝自華以南、氣下黑上青、勃碣海岱之間、氣皆黑、江淮恒山之北、氣下黑上青、勃碣海岱之間、氣皆黑、江淮之間、氣皆白、徒氣白、土功氣黃、車氣乍高乍下、往

搏徒端反

遇音偶

索隱曰車

通車轍也

避武帝諱

故曰通

鄒以讚曰

語工勢亦

縱橫

而聚騎氣卑而布卒氣搏前卑而後高者疾前方而
高後兌而卑者都其氣平者其行徐前高而後卑者
不止而反氣相遇者卑勝高兌勝方氣來卑而循車
通者不過三四日去之五六里見氣來高七八尺者
不過五六日去之十餘里見氣來高丈餘二
丈者不過三四十日去之五六十里見稍雲精白者
其將悍其士怯其大根而前絕遠者當戰青白其前
低者戰勝其前赤而仰者戰不勝陣雲如立垣杼雲

類。杼。軸。雲。搏。兩。端。兌。杓。雲。如。繩。者。居。前。亘。天。其。半。天。其。蜺。者。類。闕。旗。故。鉤。雲。句。曲。諸。此。雲。見。以。五。色。合。占。而。澤。搏。密。其。見。動。人。乃。有。占。兵。必。起。合。闕。其。直。王。朔。所。候。決。於。日。旁。日。旁。雲。氣。人。主。象。皆。如。其。形。以。占。故。北。夷。之。氣。如。羣。畜。穹。閭。南。夷。之。氣。類。舟。舩。幡。旗。大。水。處。敗。軍。塲。破。國。之。虛。下。有。積。錢。錢一作泉金。寶。之。上。皆。有。氣。不。可。不。察。海。旁。蜺。氣。象。樓。臺。廣。野。氣。成。宮。闕。然。雲。氣。各。象。其。山。川。人。民。所。聚。積。故。候。息。耗。者。入。國。邑。

卿音慶

鄧以讚曰
四字句全
叶韻
坎音服
閨泉漢書
作潤息

視封疆田疇之正治。城郭室屋門戶之潤澤。次至車
服畜產。精華實息者吉。虛耗者凶。若煙非煙。若雲非
雲。郁郁紛紛。蕭索綸困。是謂卿雲。卿雲見喜氣也。若
霧非霧。衣冠而不濡。見則其域被甲而趨。天雷電蜺。
虹辟歷。夜明者。陽氣之動者也。春夏則發。秋冬則藏。
故候者無不司之。天開縣物。地動圻絕。山崩及徙。川
塞谿坎。水澹澤竭。地長見象。城郭門閭。閨泉枯槁。宮
廟邸第。人民所次。謠俗車服。觀民飲食。五穀草木。觀

悟五故反
化當作訛

其所屬倉府廐庫四通之路六畜禽獸所產去就魚鼈鳥鼠觀其所處鬼哭若呼其人逢悟化言誠然

正義曰崔豹古今注云黃帝與蚩尤戰於涿鹿之野常有五色雲氣金枝玉葉止於帝上有花萼之象故因作華蓋也京房易飛候云視四方常有火雲五色見其下賢人隱也青雲潤殺日在西北爲舉賢良也○洛書云有雲象人青衣無孚在日西天子之氣故曰人主象○淮南子云土地各以類

生人是故山氣多勇澤氣多瘠風氣多聾林氣多
壁木氣多偃石氣多力陰阻氣多壽谷氣多痺丘
氣多狂廟氣多仁陵氣多貪輕土多利足重土多
遲清水音小濁水音大端水人重中土多聖人皆
象其氣皆應其類也○索隱曰逢倍謂相逢而驚
也

凡候歲美惡謹候歲始歲始或冬至日產氣始萌
明日人衆卒歲一會飲食發陽氣故曰初歲正月旦

風占

孟康曰為
以也
之音促

王者歲首立春日四時之卒始也四始者候之日而

漢魏鮮

係人姓名

集臘明正月旦決八風從南方來大

旱西南小旱西方有兵西北戎菽為小雨趣兵北方

為中歲東北為上歲

上歲大穰也

東方大水東南民有疾

疫歲惡故八風各與其衝對課多者為勝多勝少久

勝至疾勝徐旦至食為麥食至日昃為稷昃至舖為

黍舖至下舖為菽下舖至日入為麻欲終日有雨有

雲有風有日日當其時者深而多實無雲有風日當

鐘惺句法
奇甚

人叢占

雨占

其時淺而多實有雲風無日當其時深而少實有日
無雲不風當其時者稼有敗如食頃小敗熟五斗米
頃大敗則風復起有雲其稼復起各以其時用雲色
占種其所宜其雨雪若寒歲惡是日光明聽都邑人
民之聲三宮則歲善吉商則有兵徵旱羽水角歲惡
或從正月旦比數雨率日食一升至七升而極過之
不占數至十二日直其月占水旱為其環城千里
內占則其為天下候竟正月月所離列宿日風雲占

太歲占

土炭占

其國然必察太歲所在。在金穰水毀木饑火旱。比其
大經也。正月上甲。風從東方。宜蠶。風從西方。若旦黃
雲惡。冬至短極。縣土炭。動鹿解角。蘭根出。泉出。躍
畧以知日至。要決。晷景歲星所在。五穀逢昌。其對爲
衝歲。乃有決。

正義曰。四始者。謂正月旦歲之始。時日之始。月之
始也。○孟康曰。率日食一升者。月一日雨。民有一
升之食。二日雨。民有二升之食。如此至七日而極。

正義曰五
家黃帝高
陽高辛堯
舜

先冬至三日縣土炭於衡兩端輕重適均冬至日
陽氣至則炭重夏至日陰氣至則土重

太史公曰自初生民以來世主曷嘗不曆日月星辰
及至五家三代紹而明之內冠帶外夷狄分中國爲
十有二州仰則觀象於天俯則法類於地天則有日
月地則有陰陽天有五星地有五行天則有列宿地
則有州域三光者陰陽之精氣本在地而聖人統理
之幽厲以往尚矣所見天變皆國殊窟穴家占物怪

歸有光曰
太史公凡
叙來歷必
宗孔子而
班謂其後
六經安矣
昧莫遇反

以合時應其文圖籍機祥不法是以孔子論六經紀
異而說不書至天道命不傳其人不得告告非其
人雖言不著昔之傳天數者高辛之前重黎於唐虞
羲和有夏昆吾殷商巫咸周室史佚萇弘於宋子常
鄭則裨竈在齊甘公按甘公名德本魯人楚唐昧趙尹臯魏石
申夫天運三十歲一小變百年中變五百載大變三
大變一紀三紀而大備此其大數也為國者必貴三
五上下各千歲然後天人之際續備太史公推古天

陳仁錫曰
太史公世
掌天文故
於累代各
國星變占
驗言之歷
歷分明如
家常事正
所謂了然
於心與手
者

變未有可考於今者蓋畧以春秋二百四十二年之
間日蝕二十六彗星三見宋襄公時星隕如雨天子
微諸侯力政五伯代興更為王命自是之後衆暴寡
大并小秦楚吳越夷狄也為彊伯田氏篡齊三家分
晉並為戰國爭於攻取兵革更起城邑數屠因以饑
饉疾疫焦苦臣主共憂患其察機祥候星氣尤急近
世十二諸侯七國相王言從衡者繼踵而臯唐甘石
因時務論其書傳故其占驗凌雜米鹽二十八舍主

填首鎮

黃山川脉
如此

十二州斗秉兼之所從來久矣秦之疆也侯在太白
占於狼弧吳楚之疆侯在熒惑占於鳥衡燕齊之疆
侯在辰星占於虛危宋鄭之疆侯在歲星占於房心
晉之疆亦侯在辰星占於參罰及秦并吞三晉燕代
自河山以南者中國中國於四海內則在東南為陽
陽則日歲星熒惑填星占於街南畢主之其西北則
胡貉月氏諸衣旃裘引弓之民為陰則月太白辰
星占於街北昴主之故中國山川東北流其維首在

駘音臺

隴蜀尾沒於勃碣是以秦晉好用兵復占太白太白
主中國而胡貉數侵掠獨占辰星辰星出入躁疾常
主夷狄其大經也此更為客主人熒惑為客外則理
兵內則理政故曰雖有明天子必視熒惑所在諸侯
更彊時苗異記無可錄者秦始皇之時十五年彗星
四見久者八十日長或竟天其後秦遂以兵滅六王
并中國外攘四夷死人如亂麻因以張楚並起三十
年之間兵相駘藉不可勝數自蚩尤以來未嘗若斯

第音佩即
字也
楊慎曰未
有不先形

也。項羽救鉅鹿，枉矢西流，山東遂合從諸侯，西坑秦人，誅屠咸陽。漢之興，五星聚於東井，平城之圍，月暈參畢七重，諸呂作亂，日蝕晝晦，吳楚七國叛逆，彗星數丈，天狗過梁野，及兵起，遂伏尸流血，其下元光元狩蚩尤之旗，再見，長則半天，其後京師三出誅夷狄者數十年，而伐胡尤甚，越之亡，熒惑守斗，朝鮮之拔星，第於河，戒兵征大宛，星第招搖，此其犖犖大者。若至委曲小變，不可勝道，繇是觀之，未有不先形見。

見而應隨
之一句一
篇要語鎖
畫上下文
意

而應隨之者也。夫自漢之爲天數者，星則唐都氣則
王朔占歲，則魏鮮故甘石曆五星法，唯獨熒惑有反
逆行，逆行所守及他星逆行，日月薄蝕，皆以爲占。余
觀史記考行事，百年之中，五星無出而不反逆行，反
逆行，嘗盛大而變色，日月薄蝕，行南北有時，此其大
度也。故紫宮、房、心、權、衡、咸、池、虛、危、列宿部星，此天之
五官坐位也，爲經不移，徙大小有差，潤狹有常，水、火、
金、木、填星，此五星者，天之五佐，爲經緯見伏，有時所

陳子龍曰。
高玄不測
之理。竟與
時事俯仰。
說得暢然。
勸人修省。

過行羸縮有度。日變修德。月變省刑。星變結和。凡天
變過度。乃占國君彊大有德者昌。弱小飾詐者亡。太
上修德。其次修政。其次修教。其次修禳。正下無之。夫
常星之變。希見。而三光之占。亟用。日月暈適。雲風此
天之客氣。其發見亦有大運。然其與政事俯仰最近。
大人之符。此五者天之感動。為天數者。必通三五。終
始古今。深觀時變。察其精粗。則天官備矣。

正義曰。三五謂三十歲一小變。五百歲一大變。米

鹽、細碎也。其語在漢書五行志中。太白狼弧皆西方之星。故秦占候也。下諸國倣此。熒惑鳥衡皆南方星。鳥衡、柳星也。辰星、虛危皆北方星。歲星、房心皆東方星。辰星、參、罰皆西方之星。日、陽也。歲星屬東方。熒惑屬南方。填星屬中央。皆在南及東為陽也。天街二星主國界也。街南為華夏之國。街北為夷狄之國。則畢星主陽。月陰也。太白屬陰。西方辰星屬北方。皆為陰也。天街星北為夷

狄之國、則昴星主陰。○常昭曰、秦晉西南維之北、
為陰、猶與胡貉引弓之民同、故好用兵。○星經云、
太白在北、月在南、中國敗。太白在南、月在北、中國
不敗、更為客主者、辰星不出、太白為客、辰星出、太
白為主。人。○正義曰、招搖一星、次北斗杓端、主胡
兵也。占角變、則兵革大行。○正義曰、紫宮、中宮也、
房心東宮、權衡南宮、咸池西宮、虛危北宮也。○索
隱曰、三五謂三辰五星。

蒼帝行德天門爲之開

索隱曰天門即左右角間也王者行春令德澤被天下則上應靈威仰之帝而天門爲之開以發德化

赤帝行德天牢爲之空

索隱曰赤帝夏陽主舒散故天牢爲之空天牢六星在北斗魁下不對中台

黃帝行德天矢爲之起風從西北來必以庚辛一秋

中五至大赦三至小赦

白帝行德以正月二十日二十一日月暈圍常大赦

載謂有太陽也一曰白帝行德畢昴為之圍二三暮

德乃成不三暮及圍不合德不成二曰以辰圍不出

其旬

黑帝行德天關為之動

正義曰冬萬物閉藏為之動為之開閉也

天行德天子更立年不德風雨破石三能三衡者天

索隱曰一
曰二曰謂
曰星之家
其說太史
公兼記之

廷也。客星出，天庭有奇令。

索隱曰：天謂北極紫微宮。言王者當天心，則北辰有光輝，是天行其德也。客星出三台三衡之廷，必有奇異教令。

茅坤曰：古者太史掌天官，而史談以來，世其官，故於星術及風雲諸占，並有經緯。

陳昌應曰：文古簡莊嚴，而最多雅致。誦其音節，如詩。

史記卷之八
鄧以讚曰。叙象緯。一一具形似。而文更高古。勢錯綜。不排句。精嚴而脫。真神妙手。

鍾惺曰。此書以理數為主。文之工拙。不必論。然文不能妙。將使人苦其難晦。而棄之。故凡文章叙事。理幽蹟者。必使讀者雖不甚悉其故。而其文一一有針路。可尋誦之。了然乃為妙筆。如天官書等作是也。蓋繇作者能了然於心。口手之間。寫幽蹟處。與尋常顯明者無異。而其古而靈。與而動。整而變。

奇而則亦不出此而有之一部天官掌故得存於
後世固文字之妙留之也

陳仁錫曰天官書獨無序何也豈後世缺亡之耶
其中文字無限奇古極多變態

文林苑

天官書

四十六



